

## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

Complectens copiosè Resolutiones Theologicas, etiam modernas, ad  
proxim accommodatas

**Archdekin, Richard**

**Antverpiæ, 1682**

Enumerantur & explicantur Irregularitates omnes, & quæ ordinationem  
impediunt.

**urn:nbn:de:hbz:466:1-40873**

Pars : tract. 4. cap. 7. De Sacram. Ordinis. 291  
cati, Patroni, Tabellionis in placitis sacerdotalibus:  
3. Portare arma nisi in itinere : 4. Tabernas frequentare : 5. Venationi claimosæ vacare : 6. Exercere mercaturam aut negotiationem per seipsum lucri causâ : 7. Ludere aleis nisi recreatio-  
nis causa, illis autem ludere pro magna quantitate ob lucrum, *Navarrus* mortale existimat. Ordines enim Sacri, ut hominem soli Deo consecrant, ita vitam requirunt irreprehensibilem, & a saeculi moribus longissimè segregatam.

§. 3. Enumerantur & explicantur Irregularitates qua  
Ordinationem impediunt.

I Regularitas est impedimentum Canonicum, susceptionem Ordinum sacrorum, & suscep-  
torum usum impediens. Alia oritur ex delicto, alia ex defectu. Ex illis aliquæ irregularitates  
impediunt ab omni ordine suscipiendo, & sus-  
cepiti exercitio v.g. homicidium, aut bigamia :  
aliquæ non privant omni Ordinis ministeriò, sed  
tantum ab aliquo, vel à solo ascensu ad Ordinem  
superiore v.g. Diaconus carens oculo sinistro  
inhabilis est ad sacerdotium, exercere tamen ea  
quæ spectant ad Ordinem Diaconi non prohi-  
betur. Duxi, irregularitatem *impedire* aut inhabi-  
litare ad Ordines sacros suscipiendos, etiam pri-  
mam tonsuram, & ad susceptorum exercitium :  
non enim actus illos reddit invalidos, sed illici-  
tos, ut si absoluat Sacerdos irregularis, illicitè id  
facit & punitur, non tamen facit invalidè, & sic  
de alijs.

Ut incurritur Irregularitas ex delicto, requiri-  
tur actus externus, & mortal, & consumma-  
tus: quia pœna annexa est gravis, ut docet com-  
munis. Non potest Confessarius in illis irregula-  
ritati-

392. Pars 3 tract. 4. cap. 7. De Sacram. Ordinis.  
ritatibus dispensare , nisi ad hoc legitimum pri-  
vilegium habeat.

Irregularitas ex *Delicto*, prima est quæ incurri-  
tur propter Baptismum serio , & scienter itera-  
tum , idque tam respectu rebaptizantis , quam  
rebaptizati : quamvis in rebaptizante tantum  
impedit ne Clericus ad altiorem ordinem possit  
ascendere , nec incurritur si rebaptizatio tantum  
occulta fuerit , uti cum communis docet Bonac-  
cina , Toletus , Covar. Layman lib. 1. tract. 5. p. 5.  
cap. 2.

Secunda oritur ex *violatione censure* ; ut si ali-  
quis excommunicatus , vel suspensus actum ali-  
quem ordinis solemniter exerceat , nisi igno-  
rantia invincibilis excusat , incurrit irregulari-  
tatem , quâ sit inhabilis ad istius ordinis exerci-  
tium.

Tertia incurritur , ob peccatum quo Clericus  
serio & scienter solemniter exerceat actum aliquis  
*Ordinis* , quem nondum habet.

Quarta contrahitur , ob delictum quo aliquis  
*ordines male suscepit* , ut si ordinatus fuerit in ex-  
communicatione , suspensione , vel ab Episcopo  
non habente jurisdictionem , vel per saltum , ut  
si fiat Sacerdos non suscepto diaconatu &c. sal-  
tem si ministret in ordine sic per saltum sus-  
cepto : vel si ordinatus fuerit ante legi imam-  
tatem , vel sine litteris dimissorialibus , vel non  
examinatus . vel furtivè , scilicet ab Episcopo nec  
sciente , nec approbante.

Quinta , Propter *crimina enormia* , si sint notoria  
& publica , qualia sunt quæ à jure annexam ha-  
bent infamiam , ut incestus , adulterium , raptus ,  
& alia recensita §. superiori. num. 3.

Sexta irregularitas incurritur , ex injusta mem-  
bri mutilatione , vel homicidio etiam indirecte can-  
tum

tum voluntario : & comprehendit omnes qui ad alterutrum iniquè concurrunt sive in bello injusto, sive extra illud, etiam mandando , aut consulendo. Intelligitur autem hic fieri mutilatio quando à corpore separatur membrum aliquod principale , sive cui competit in corpore officium aliquod per se distinctum , ut manus, pes, auris, oculus &c. non autem digitus, dens, labium , aut sola auris cartilago , aut alia quæ tantum ad corporis ornatum deserviunt. Nec incurrit qui alterum mutilat vel occidit ad necessarium , & justam sui defensionem. Quia irregularitas ex delicto non potest contrahiri ubi culpa non intervenit.

Hanc autem irregularitatem contrahit qui procurat in fœmina abortum fœtus animati: quia verum homicidium committit. C. *majores* 32. q. 2.

Irregularitas *ex Defectu*, incurri potest sine ultra culpa, aut peccato : & ideo non est pæna, sed aliqua inhabilitas ad susceptionem , vel exercitium Ordinum, propter certos defectus sive animalia sive corporis, etiam naturales & extrinsecos.

Prima hujusmodi irregularitas oritur, *ex Defectu Animi*, qualem habent sequentes. 1. Amennes, Phrenetici , Arreptiti , & Epileptici : Si tamen hi antea ordinati sunt , & per annum eodem morbo non laborarunt, permittitur illis ordinum exercitium ; quia presumuntur jam liberari : si autem laborent raro sine clamore , & notabiliter indecentia, permittuntur celebrare cum adjutorie assistente qui sacrificium suppleat si illi deficere. 2. *c. illud. 7. q. 1.* Illitterati irregulares sunt, qui scilicet carent doctrinâ ad talem ordinem regquisita. 3. Neophyti, sive recenter conversi, donec sint sufficienter instructi ex Episcopi judicio.

Secunda est , *ex defectu Corporis*, qui redditum

394 Pars 3. tract. 4. cap. 7. De Sacram. Ordinis.  
eptum ad Ordinis exercitium ; ut si sit cæcus,  
surdus, aut claudus, sic ut nequeat sine baculo ad  
altare accedere. 2. Si etiam careat pollice, indi-  
ce, aut oculo sinistro, aut vi ejus vissua, opus est  
dispensatione ut ordinetur : quamvis si oculo  
dextero possit sine indecentia Canonem legere,  
id neget *Sayrus*, *Henriquez*, *Valenti a &c.* 3 Si  
adsit Deformitas corporis tanta, ut quis nequeat  
exercere ordinem sine aliorum horrore, offend-  
tione, aut scandalo, ut si careat naso, vel auribus,  
vel sit notabiliter gibbosus, leprosus, aut  
paraliticus, vel membra aliqua habeat superflua.  
In dubio an deformitas sit sufficiens, ad Episco-  
pum pertinet judicare : quamvis quoad Regula-  
res censeat Diana part. 4. tr. 2. resol. 75. citans  
Suarem & alios 5. id spectare ad eorum Præla-  
tum ; quamvis admittant Episcopum ex causa  
posse Prælati judicium non admittere.

Tertia ex defectu Natalium: hic irregulares sunt  
omnes Illegitimi, eo quod ratione originis nimis  
viles reputentur in ordines ad functiones tam  
sacras. Legitimam possunt tales jure communi-  
1. Per matrimonium subsequens inter eorum pa-  
rentes, si saltem tempore conceptionis potuerint  
hi validè contrahere. 2. Per professionem in or-  
dine religioso : quamvis etiā in hoc ut ad digni-  
tates promoveantur indigeant dispensatione. 3.  
Per dispensationem Pontificis. Principes autem  
sæculares tantum possunt legitimare in ordine  
ad officia sæcularia, & hæreditates legitimè ob-  
tinendas.

Quarta ex defectu Ætatis : quænam ætas ad  
singulos ordines requiratur, vide supra §. 1. in  
fine.

Quinta oritur ex Bigamia : quia bigamus car-  
nein suam dixit in plures uxores, ideoque non  
repre-

Pars 3. tract. 4. cap. 7. De Sacram. Ordinis. 395  
repräsentat unionem Christi cum Ecclesia. Non sufficit autem matrimonium ratum cum pluribus, sed debet esse verum & consummatum, vel certè præsumptum, quale censetur esse etsi secundum matrimonium fuisset invalidum. Hanc irregularitatem etiam incurrit, qui viduam non virginem dicit, & cognoscit. Qui dicit uxorem prius ab alio corruptam, etiam per fornicationem, & eam cognoscit: non tamen qui dicit à se prius corruptam. Qui etiam cognoscit propriam uxorem, postquam ab alio per adulterium cognita fuit. Qui matrimonium contrahit & consummat etiam cum virgine post solenne votum castitatis: quia quamvis invalidè contrahat, censetur tamen ex interpretatione juris duo matrimonia contraxisse, unum spirituale cum Christo, alterum carnale cum muliere ita jura, & DD. communiter.

Sexta est ex *Infamia*, sive juris, sive facti, modo crimen publicum sit: quamvis si sit homicidium, vel censuræ violatio etiam occultum sufficiat: imo censem nonnulli cum *Suare*, & *Sylvestro* sufficere crimen esse occultum, quando infamiam ipso jure annexam habet. Infamia de qua hic potest etiam oriri ex delicto parentum, & inde ex vilitate personæ, quam à sacris tractandis arceri decuit.

Septima ex *defectu Libertatis*. Hinc irregulares sunt primò, omnes Servi propriè dicti, non iij qui nunc passim alijs deserviunt. 2. Conjugati hic censem non liberi, nisi uxores consentiant, & ipsæ castitatem voveant. 3. Curiales, ut sunt judices, advocati, & similes, non censem tur liberi, dum talia officia secularia actu habent, nisi fiat cum speciali dispensatione Pontificis, quæ in causis criminalibus non conceditur:

R. \*

vel

386 Pars 2. tract. 4. cap. 7. De Sacram. Ordinis.  
vel ex consuetudine à Pontifice permissa. 4. Idem  
est de Militibus, Thesaurarijs, Depositarijs pu-  
blicis, & qui Rempub. administrant. Item de  
Apparitoribus, & alijs qui crudelia officia exer-  
cuerunt, vel in causa sanguinis administri fue-  
runt, quos jura ad sacros ordines inhabiles decla-  
rant.

Octava oritur ex defectu *Lenitatis*, et si sit in-  
culpabilis, ut ex homicidio in bello justo, vel in  
judicio, vel ex hominis mutilatione etiam justa.  
Quia Sacerdos, qui gerit personam Christi, de-  
bet ipsi in lenitudo non esse disformis. Non sit  
tamen irregularis qui occidit vel mutilat in de-  
fensione inculpata, quia jura loquuntur de bello  
justo, vel judicio. Et in judicio quidem justo ir-  
regularis fit Iudex ferens sententiam, Notarius  
eam scribens, ministri exequentes, testes, & alij  
qui ad mortem vel mutilationem cooperantur  
activè, efficaciter, & proximè, per actionem ex  
natura sua ad ea ordinatam. Talis non cense-  
tur actio Confessarij, qui interrogatus de Reo,  
an mortem mereatur, responderet, Iudici non  
habendum respectum personarum, sed circa il-  
lum suo munere fungi debere: quia hoc non  
potest præbere causam mortis nisi valde remo-  
tam. Irregularis autem esset Confessarius, qui  
lictorem urgeret ad mortem reo accelerandam:  
vel qui ipsum reum impelleret ut scalas ascende-  
ret, vel caput securi præberet, ex sententia com-  
muni: ac proinde hic cautelâ opus est. Quamvis  
homicidio fieri irregularē, nisi ad illud concur-  
rat tanquam publicus justitiae minister, vel ad  
causæ probationem, vel ad executionē, vel tan-  
quam privatus injustè, & cum delicto: ita Su-  
arez, Reginaldus Layman, alijque, contra Val-  
quez,

Pars 3. tr. 4. cap 7. De Sacramento Ordinis. 397  
quez, Hurtadum, Turrianum, &c. quam senti-  
entiam, probabilem indicat Diana part. 3. tr. 4.  
resol. 70. & alibi.

Dispensare in Irregularitatibus sive ad Ordines, sive ad alia, ad Pontificem præcipue per-  
tinet: in quibusdam etiam dispensare potest E-  
piscopus, præsertim in illis quæ proveniunt ex  
delicto occulto, præterquam ex homicidio vo-  
luntario, & aliis deductis ad forum contentio-  
sum. Dispensare idem potest quando non da-  
tur recursus ad sacram Sedem, juxta statuta  
Ecclesiæ, & præsertim Tridentini sessione 24. de  
reform. cap. 6. cujus verba citavi supra part. 3.  
tract. 2. cap. 4. §. 4. in fine. Prædictæ irregulari-  
tates quia multiplices sunt, memoriarum causâ val-  
dè commode ad hos versiculos reducuntur:  
quid in iis singula verba denotent, ex priori sin-  
gularum irregularitatum expositione colligitur:  
ubi *infirmus* denotat morbos corporis irregulari-  
tati obnoxios: *demens*, amentiam, phrenesim,  
& defectus animæ: *vitiatus*, vitium membro-  
rum: *novus*, neophytum sive recenter conver-  
sum: *ignarus*, illitteratum, *obstrictus*, defectum  
libertatis in obstrictis officio sacerdotali: reliqua  
facile patent ut sequuntur.

*Infimus, Demens, Vitiatus, Femina, Servus,*  
*Infamis, Novus, Ignarus, Baptismate peccans,*  
*Ordineve, Occidens, Mutilans, Bigamusq; Nothusque,*  
*Heresis, Obstrictus, Panper, Pher, exulat avis.*

CA-